

Na osnovu člana 106. Zakona o visokom obrazovanju („Službene novine Kantona Sarajevo“, 36/22, 28/25) i Pravila studiranja za drugi ciklus studija na Univerzitetu Sarajevo School of Science and Technology (Univerzitet SSST), Univerzitet SSST o b j a v l j u j e

KONKURS

za upis studenata u prvu godinu II ciklusa studija na Univerzitetu Sarajevo School of Science and Technology u akademskoj 2026./2027. godini

Konkurs se raspisuje za upis u prvu godinu drugog ciklusa studija koji se organizira na fakultetima Univerziteta Sarajevo School of Science and Technology (u daljnjem tekstu: organizacione jedinice).

Terminološko korištenje muškog ili ženskog roda u ovom konkursu podrazumijeva uključivanje oba roda.

Prijava kandidata na Konkurs za upis u prvu godinu drugog ciklusa studija provodi se isključivo online putem web stranice www.ssst.edu.ba od **10. juna do 15. septembra 2026. godine**.

Studij se organizira u trajanju od jedne odnosno dvije godine i nosi ukupno **60 ECTS odnosno 120 ECTS** bodova.

Školarina za jednu studijsku godinu II ciklusa studija u dvogodišnjem trajanju (četiri semestra) na svim fakultetima Univerziteta SSST osim na Medicinskom fakultetu, uključujući odbranu magistarskog rada i potrebnu literaturu za kompletan studij, iznosi KM 10.170,32 odnosno u protivrijednosti 5.200,00 EUR.

Školarina za II ciklus studija u jednogodišnjem trajanju (dva semestra) koja uključuje odbranu magistarskog rada i potrebnu literaturu za kompletan studij iznosi KM 18.384,80 odnosno u protivrijednosti 9,400.00 EUR.

Godišnja školarina za master studij, na Medicinskom fakultetu iznosi KM 15.646,64 odnosno u protivrijednosti 8,000,00 EUR za studente državljane BiH i KM 18.384,80, odnosno u protivrijednosti 9,400.00 EUR. Za studente strane državljane godišnja školarina je KM 23.469,96 odnosno u protivrijednosti 12,000.00 EUR.

U prvu godinu II ciklusa studija studija u akademskoj **2026./2027.** godini kandidati se upisuju u skladu sa planom upisa studenata na organizacionim jedinicama Univerziteta Sarajevo School of Science and Technology, kako slijedi:

FAKULTET ZA KOMPJUTERSKE NAUKE:

- 10 studenata

FAKULTET ZA INFORMACIONE SISTEME:

- 10 studenata

FAKULTET ZA EKONOMIJU:

- 15 studenata

FAKULTET ZA POLITIČKE NAUKE I MEĐUNARODNE ODNOSI:

- 10 studenata

MEDICINSKI FAKULTET

- 20 studenta

Pravo učešća na Konkursu pod jednakim uvjetima imaju državljani Bosne i Hercegovine i strani državljani sa završenim odgovarajućim prvim ciklusom studija koji se vrednuje sa najmanje 180 odnosno 240 (E)CTS studijskih bodova, kao i kandidati koji su završili studij po predbolonjskim nastavnim planovima i programima u Bosni i Hercegovini, kao i kandidati koji su prvi ciklus odnosno predbolonjski studij završili izvan Bosne i Hercegovine, a za koje je nakon postupka priznavanja stranih visokoškolskih kvalifikacija utvrđeno da imaju završeno adekvatno obrazovanje za nastavak školovanja.

Na II ciklus studija (master studij) Medicinskog fakulteta mogu aplicirati kandidati državljani Bosne i Hercegovine i strani državljani koji su završili:

1. Integrirani studij medicine koji se vrednuje sa 360 ECTS bodova ili dodiplomski studij medicine prema predbolonjskim sistemom studiranja te stekli stručni naziv: doktor medicine (za sve smjerove);
2. Integrirani studij stomatologije koji se vrednuje sa 360 ECTS bodova ili dodiplomski studij studij stomatologije prema predbolonjskim sistemom studiranja te stekli stručni naziv: doktor/doktorica stomatologije (smjerovi: Nutricionizam, Globalno zdravlje, Zdravstvena ekonomika i farmakoekonomika)
3. Integrirani studij farmacije koji se vrednuje sa 300 ECTS bodova ili dodiplomski studij farmacije prema predbolonjskim sistemom studiranja te stekli stručni naziv: magistar/magistrice farmacije (smjerovi: Istraživanje u biomedicini, Globalno zdravlje, Zdravstvena ekonomika i farmakoekonomika, Nutricionizam);
4. Prvi ciklus zdravstvenih studija koji se vrednuje sa najmanje 240 ECTS bodova (smjerovi: Istraživanje u biomedicini, Globalno zdravlje, Zdravstvena ekonomika i Farmakoekonomika, Nutricionizam).

5. Prvi ciklus studija koji se vrednuje sa najmanje 240 ECTS bodova iz srodnih ili drugih relevantnih naučnih oblasti kao što su: menadžment, biznis, političke nauke, zdravstveni sistemi (smjer Zdravstvena ekonomika i Farmakoekonomika).

Utvrđivanje jedinstvene rang-liste svih prijavljenih kandidata vršit će se na osnovu prosječne ocjene koju su kandidati ostvarili u toku prvog ciklusa studija, odnosno nakon završetka studija po predbolonjskim nastavnim planovima i programima.

Preliminarna rang-lista svih primljenih i prijavljenih kandidata visokoškolske ustanove objavit će se na oglasnoj ploči i na web stranici Univerziteta SSST najkasnije dva dana nakon isteka roka za podnošenje prijave na Konkurs.

Na listu može staviti prigovor nezadovoljni kandidat u roku od tri dana od dana objave rektoru Univerziteta SSST. Rektor Univerziteta SSST će odlučiti o prigovoru u roku od tri dana.